


岱史卷六之七



岱史第二冊諸字號目錄

卷之六狩典紀附封禪

唐虞

夏后氏

周

八二

秦始皇封禪刻石文

李斯篆

漢武帝封禪詔

司馬遷封禪書略
班固白虎通略

光武却封禪詔

封禪刻石文

章帝 安帝



封禪刻石文

章帝 安帝

魏明帝

隋文帝却封禪詔略

唐太宗却封禪議

高宗封禪玉牒文

駱賓王為齊州父老請陪封禪

玄宗封禪玉牒文

御製序銘

宋太宗不允封禪略

真宗封禪玉牒文

孫奭諫疏

御製序銘

皇明永樂却封禪略 王直題却封禪頌

附歷代儒臣封禪論

漢司馬虎

梁許懋

宋胡致堂

章俊卿

馬端臨

明丘濬

卷之七 聖典紀

唐虞

周附魯

秦

漢高祖

武帝

宣帝



光武

章帝

魏文帝

晋成帝

梁

後魏祭岱文

八二

唐武德貞觀

開元加嶽王號并祭祝

天寶

貞元

宋真宗加泰山帝號碑銘晁迥撰

金元



皇明洪武告文

嶽號制

御製泰山文

永樂告文

宣德告文

正統告文

景泰告文

成化告文

弘治告文

正德告文

嘉靖告文

隆慶告文

萬曆告文

附歷代諸臣祀祝

魏高允

宋歐陽脩

魯鞏

皇明臣陳鳳梧

許應元

楊維聰

盧問之

端廷赦

鄭芸

王忬

沈應龍

朱衡

馮薦

雍焯等

段顧言等

張鑑

傅希摯

陸樹德

八二

李輔

李戴

查志隆

以上序世次而不序爵皆書姓名仍前志垂久遠也

岱史第六卷仲典紀 附封禪

敘曰曷紀乎符典也紀帝王時巡之大典也而并及夫封禪者何紀其變也亦紀夫當時君之侈臣之諛以示儆也夫五載一符昉於虞書十二年一巡見諸周制時維仲春則生長之月岳維泰岱則生長之方於時坐明當朝群后考覈其政令凡以爲民也豈似後世人主琢石銘山以夸大其業泥金檢玉以徼福於神盤樂戩民千乘萬騎而猥云七十二君之故事秦漢以來即所稱英君亦不免焉

卓哉我

成祖文皇帝灼見而却絕之以垂憲

昭代豈非超越千古者哉余茲附錄前代封
禪文一二而終之以先賢記論俾觀者得以
考鑒焉

唐虞歲二月東巡守至於岱宗柴望秩於山

川肆覲東后協時月正日同律度量衡修

五禮如五噐五載一巡守群石四朝見舜

夏后氏因之

周十二年一巡狩歲二月東巡狩至於岱宗

覲諸侯於明堂見周禮○明堂說見遺蹟

秦始皇二十八年東行郡縣上鄒嶧山立石

與魯諸儒生議刻石頌秦德議封禪望祭

山川之事乃遂上泰山立石封祠祀下風

雨暴至休於樹下因封其樹為五大夫禪

八二

四

梁甫刻所立石

見史記○王仲淹謂封禪非古啟於秦漢故志封禪

以秦為首

李斯篆刻石文今存二十九字詳見遺蹟

事天以禮立身以義事父以孝成人以仁

四海之內莫不郡縣四夷人蠻咸來貢職

人庶蕃息天祿永得今皇帝臨位作制明
法臣下修飭二十有六年初并天下罔一
宿服親巡遠方黎民登茲泰山周覽東極
從臣思迹本原事業祇誦功德治道運行
諸產得宣皆有法式大義休明垂於後世
順承勿革皇帝躬聖既平天下不懈於治
夙興夜寐建設長利專隆教誨訓經宣達
遠近畢理咸承聖志貴賤分明男女禮順
慎遵職事昭格內外靡不清淨施於後嗣
化及無窮遵奉遺詔永承重戒

漢武帝元封元年東巡海上夏四月登封泰
山降坐明堂詔曰朕以眇身承至尊兢兢
焉惟德菲薄不明於禮樂故用事八禮遭
天地況施著見景象屑然如有聞震於怪
物欲止不敢遂登封泰山至於梁父然後

八二

五

升禮肅然自新嘉與士大夫更始其以十
月爲元封元年行所巡至博奉高蛇丘歷
城梁父民田租逋賦貸已除加年七十以
上孤寡帛人二匹四縣無出今年筭賜天
下民爵一級女子百戶牛酒又下詔曰古

者天子五載一巡狩用事太山諸侯有朝宿地其令諸侯各治邸太山下

二年秋作明堂於泰山

太初元年冬十月行幸泰山

太始四年春三月行幸泰山壬午祀高禘

於明堂以配上帝因受計癸未祀孝宣皇帝於明堂甲申修封丙戌禪石闕

征和四年春三日上耕於鉅定還幸泰山

司馬遷封禪書畧

自古受命帝王曷嘗不封禪蓋有無其應

而用事者矣未有睹符瑞見而不臻乎泰山者也齊桓公既霸會諸侯於葵丘而欲封禪管仲曰古者封泰山禪梁父者七十二家而夷吾所記者十有二焉昔無懷氏封泰山禪云云伏羲封泰山禪云云神農

封泰山禪云云炎帝封泰山禪云云黃帝封泰山禪亭亭顓頊封泰山禪云云帝嚳封泰山禪云云堯封泰山禪云云舜封泰山禪云云禹封泰山禪會稽湯封泰山禪云云周成王封泰山禪社首皆受命然後

得封禪桓公曰寡人北伐山戎過孤竹西
伐大夏涉流沙東馬懸車上卑耳之山南
伐至召陵登熊耳山以望江漢兵車之會
二而乘車之會六九合諸侯一匡天下諸
侯莫違我昔三代受命亦何以異乎於是

八二

六

管仲睹桓公不可窮以辭因設之以事曰
古之封禪鄆上之黍北里之禾所以爲盛
江淮之間一茅三脊所以爲藉也東海致
比目之魚西海致比翼之鳥然後物有不
召而自至十有五馬今鳳凰麒麟不來壽

穀不生而蓬蒿藜莠茂鳴臬數至而欲封
禪母乃不可乎於是桓公乃止其後百有
餘年而孔子論述六藝傳畧言易姓而王
封泰山禪乎梁父者七十餘王矣其俎豆
之禮不童蓋難言之秦始皇即帝位三年

東巡郡縣祠鄒嶧山頌秦功業於是徵從
齊魯之儒生博士七十人至於泰山下諸
儒生或議曰古者封禪爲蒲車惡傷山之
土石草木掃地而祭席用菹稽言其易遵
也始皇聞此議各垂異難施用由此絀儒

生而遂除車道上自泰山陽至巔立石頌
秦始皇帝德明其得封也從陰道下禪於
梁父其禮頗采太祝之祀雍上帝所用而
封藏皆秘之世不得而記也始皇之上泰
山中阪遇暴風雨休於大樹下諸儒生既
不得與八二用於封事之禮聞始皇遇風雨則
譏之始七始皇封禪之後十二歲秦亡諸儒生
疾秦焚詩書誅僂文學百姓怨其法天下
叛之皆僞曰始皇上泰山爲暴風雨所擊
不得封禪此豈所謂無其德而用事者邪

今上自得寶鼎與公卿諸侯議封禪封禪
用希曠絕莫知其儀禮而群儒采封禪尚
書周官王制之望祀射牛事齊人丁公年
九十餘曰封禪者古不死之名也上於是
乃令諸儒習射牛草封禪儀數年至且行
天子既聞公孫卿及方士之言黃帝以上
封禪皆致恠物與神通欲放黃帝以上接
神仙蓬萊高世比德於九皇而頗采儒術
以文之群儒既不能辯明封禪事又牽拘
於詩書古文而不能騁上爲封禪祠噐示

群儒盡罷諸儒不用三月東上泰山泰山
之草木葉未生乃令人上石立之泰山巔
上念諸儒及方士言封禪人人殊不經難
施天子至梁父禮祠地主乙卯令侍中儒
者皮弁薦紳射牛行事封泰山下東方如

郊祀太乙之禮封廣丈二尺高九尺其下
則有玉牒書書秘禮畢天子獨與侍中奉
車子候上泰山亦有封其事皆禁明日下
陰道丙辰禪泰山下趾東北肅然祭后土
封禪祠其夜若有光晝有句雲起封中天

子從禪還坐明堂群臣更上壽明年夏旱
公孫卿曰黃帝時封則天旱乾封三年上
乃下詔曰天旱意乾封乎修五年之禮如
前而加以禪祠石閭石閭者在泰山陞南
方方士多言此仙閭也故上親禪焉太史
公曰余從巡祭天地諸神名山川而封禪
焉入燾宮侍祠神語究觀方士祠官之意
於是退而論次自古以來用事於鬼神者
具見其表裏後有君子得以覽焉若俎豆
珪幣之詳獻酬之禮則有司存

班固白虎通畧

王者易姓受命而起必升封泰山何教告之義也始受命之時改制應天天下太平功成封禪以告太平也所以必於泰山何萬物所交代之處必於其上何因高告高順其類也故升封者增高也下禪梁甫之山基廣厚也刻石紀號者著已之功績以自效也天以高爲尊地以厚爲德故增泰山之高以報天附梁甫之趾以報地明天地之所命功成事遂有益於天地若高者

加高厚者加厚矣或曰封者金泥銀繩或
曰石泥金繩封以印璽故孔子曰升泰山
觀易姓之王可得而數者七十有餘封者
廣也言禪者明以成功相傳也於梁甫何
以三皇禪繹繹之山明已成功而告有德
者居之繹繹者無窮之意也五帝禪於亭
亭者量度審謨德著明也三王禪於梁甫
之山者梁信也甫輔也輔天地之道而行
之也太平乃封告於天必也於岱宗何明
告易姓刻石紀號告自紀于百王也燎祭

天報之義也詩云於皇時周陟其高山言
周太平封泰山也

光武皇帝建武二十年十月東巡狩至於
岱宗三十年群臣上書請封禪詔曰即
位三十年百姓怨氣滿腹吾誰欺欺天乎

魯謂泰山不如林放何事汙七十二代之
編錄桓公欲封禪管仲非之若郡縣遠遣
吏上壽盛稱虔美必髡無令屯田從此群
臣不敢復言三十二年帝夜讀河圖會
昌符曰赤劉之九會命岱宗感此爰乃詔

梁松按索圖識文言九世封事梁等列奏
乃許焉求元封故事議封禪所施用有司
奏當用方石累壇玉牒玉檢金泥及石檢
度數帝以用石功難又欲及二月封禪故
詔梁松因故封石空更加封而已松䟽爭

不可正月至奉高遣侍御史與蘭臺令將
工先上山刻石辛卯封泰山甲午禪於梁
父四月己卯肆赦以建武三十二年爲建
武中元元年

光武刻石文畧

維建武三十有二年二月皇帝東巡狩至
於岱宗柴望秩於山川徧於群神遂觀東
后從臣太尉熹行司徒事特進高密侯禹
等漢賓二王之後在位孔子之後褒成侯
序在東后蕃王十二咸來助祭河圖赤岱
符曰劉秀發兵捕不道四夷雲集龍闔野
四七之際火爲主河圖會昌符曰赤帝九
世巡省得中帝劉之九會命岱宗誠善用
之女姦僞不萌赤漢德興九世會昌巡岱皆
當天地扶九崇經之常漢大興之道在九

世之王封於泰山刻石著紀禪于梁父退
省考五河圖合古篇雜書甄曜度孝經鈎
命經識所傳昔在帝堯聰明密微讓與舜
庶復裔握璣王莽以舅后之家三司鼎足
家宰之權勢依託周公霍光輔幼歸政之

羨逐以篡叛僭號自立宗廟隳壞社稷喪
亡不得血食十有八年揚徐青三州首亂
兵革橫行延及荊州豪傑并無百里屯聚
徃徃僭號北夷作寇千里無煙無鷄鳴犬
吠之聲自天睠顧皇帝以匹庶受命中興

年二十八載興兵起是以中次誅討十有
餘年罪人斯得黎庶得居爾田安爾宅書
同文車同軌人同倫舟輿所通人迹所至
靡不貢職建明堂立群維起靈臺設庠序
同律度量衡修五禮五玉三帛二牲一死
八二
十一
執吏各修職復于舊典在位三十有三年
六十有一乾乾日昃不敢荒寧涉危歷險
親巡黎元恭肅神祇惠恤耆老理庶遵古
聰允明恕皇帝唯慎河圖雒書正文是月
辛卯柴登泰山甲午禪于梁陰以承靈瑞

以爲兆民永茲一宇垂于後昆百僚從臣
郡守師尹咸蒙祉祐永永無極

章帝元和二年正月東巡狩柴告岱宗幸
奉高祀五帝于汶上明堂

安帝延光三年二月丙子東巡狩辛卯柴

告岱宗

魏明帝東巡狩凡三至岱宗所過存問高年
恤疾苦或賜穀帛

隋文帝開皇九年朝野皆請封禪詔畧曰以
薄德而封名山用虛言而干上帝非朕侑

聞今後言封禪宜即禁絕十四年百官抗
表固請封禪帝令牛弘等創儀注既成帝
視之曰茲事體大朕何德以堪之但當東
巡因祭奉山耳

唐太宗貞觀初群臣並請封禪唯魏徵以爲

不可六年文武官以初平突厥盛德被
於海內又年穀屢登表封泰山太宗謂侍
臣曰朕每見衆議以封禪爲盛事頗奏勸
朕行之如朕本心但使天下太平家給人
足雖闕封禪之禮亦可比德於堯舜若百

姓不足夷狄內侵縱修封禪之儀亦何異
桀紂昔秦始皇爲暴虐之主漢文爲有德
之君以此而言無假封禪且禮云掃地而
祭以表至誠何必遠登高山封三尺土也
太宗雖納徵言而藩臣猶抗表勸請 十

八二

十二

五年東幸至洛陽而彗星見乃止

高宗麟德二年幸東嶽乾封元年正月封
泰山禪于社首以皇后武氏爲亞獻越國
太妃燕氏爲終獻其帷帟錦繡群臣瞻望
多竊笑之

玉牒祀文

有唐嗣天子臣某敢昭告于昊天上帝有
隋運屬顛危數窮否塞生靈塗炭鼎祚淪
亡高祖伏黃鉞而赦黎元賜玄圭而拯沈
溺太宗功宏鍊石定區宇於再麾業壯斷
鼇飲滄海而一息臣忝奉餘緒恭承積慶
遂得崑山寢煥炎海澄波雖乃業茂宗祧
斯實降靈穹昊今謹告成東岳歸功上玄
大寶克隆鴻基永固凝薰萬姓陶化八紘
駱賓王爲齊州父老請陪封禪文

圓天列象紫宮通北極之尊大帝凝圖玄
猷暢東巡之禮是知道隆光澤既輯玉于
雲臺業紹禋宗必塗金于日觀伏惟皇上
乘乾握紀纂三統之重光御極登樞應千
靈之累聖故得河浮五老啟赤文于帝期

八二

十三

海薦四神奉丹書于王會瑞開三脊祥洽
五雲既而緝總章之舊文紹辟雍之故事
非煙翼戟移玉輦于梁陰若月承輪祕金
繩于岱嶽臣等質均芻狗陰謝桑榆幸屬
堯鏡多輝昭餘光于連石軒圖廣運追盛

禮于揆金然而鄒魯舊邦臨淄遺俗俱沐
二周之化咸稱一變之封境接青疇俯瞰
獲麟之野山開翠屺斜連辨馬之峯豈可
使稷下遺曠頃隔陪封之禮淹中故老獨
奏告成之儀是用就日披冊仰璧輪而三
舍望雲紆素叫天闈于九重倘允微誠許
陪大禮則夢瓊餘息翫仙閭以相驩就木
殘魂遊岱宗而載躍

玄宗開元十二年群臣多言封禪中書令
張說又固請乃下制以十三年有事於泰

山御製御書紀泰山銘

玉牒祝文

有唐嗣天子臣某敢昭告于昊天上帝天
啟李氏運興土德高宗太宗受命立極高
宗升中六合殷盛中宗紹復繼體不定上

帝眷祐錫臣忠武底綏內艱推戴聖父恭
承大寶十有三年敬若天意四海晏然封
祀岱岳謝成于天子孫百祿蒼生受福

玄宗紀泰山序銘

勒石嶽嶺磨厓碑詳見遺蹟紀

朕宅帝位十有四載顧惟不德慙於至道

任夫難任安夫難安茲朕未知獲戾於上
下心之浩蕩若涉於大川賴上帝垂休先
后儲慶宰衡庶尹交修皇極四海會同五
典敷暢歲云再熟人用大和百辟僉謀倡
予封禪謂孝莫大於嚴父謂禮莫尊於告

八二

十四

天天符既至人望其積固請不已固辭不
獲予與夫二三臣稽虞典繹漢制張皇六
師震疊九寓旌旅有列士馬無譁肅肅邕
邕翼翼溶溶以至于岱宗頂也爾雅云泰
山爲東嶽周官曰兗州之鎮山實惟天帝

之孫群靈之府其方處萬物之始故稱岱
焉其位居五岳之伯故稱宗焉曰昔者受
命易姓於是乎啟天地薦成功序圖錄紀
氏號朕承先王茲率厥典實欲報玄天之
眷命爲蒼生之祈福豈敢高視萬古自比

九皇哉故設壇場於山下受群方之助祭
躬封燎於山上奠一獻之通神斯亦因高
崇天就廣增地之義也乃仲冬庚寅有事
東嶽類于昊天上帝配我高祖在天之神
罔不畢降粵翌日禪於社首侑我聖者祀

於皇祇在地之神罔不咸舉暨壬辰覲群
后上公進曰天子膺天符納介福群臣拜
手稽首稱千萬歲慶咨歡同陳誠以德大
渾叶度彛倫攸叙三事百揆時乃之功萬
物由庚兆人允殖列牧衆宰時乃之功一

八二

十五

二兄弟篤以孝友錫類萬國時惟休哉我
儒制禮我史作樂天地擾順時惟休哉蠻
夷戎狄重譯來貢累聖之化朕何慕焉五
靈百寶日來月集會昌之運朕何感焉凡
今而後儆乃在位一王度齊衆法摧舊章

補缺政存簡易去煩苛思立人極乃見天
則於戲天生蒸人惟后時又能以美利利
天下事天明矣坤厚載物惟后時相能以
厚生生萬人事地察矣天地明察鬼神著
矣惟我藝祖文考精爽在天其曰懿予幼
孫克享上帝時若馨香其丕乃曰會我之
文武曾孫其誕錫新命續我舊業未保王
祿子孫其承之予小子敢對揚上帝之休
命則亦與百執事尚綏兆人將多于前功
而忘彼後患一夫不獲萬方其罪予一心

有終上天其知我朕惟寶行三德曰慈儉
謙慈者履無彊之吉儉者崇將來之訓自
滿者人損自謙者天益苟如是則軌迹易
循基構易守磨石壁刻金記後之人聽詞
而見心觀末而知本銘曰惟天生人立君

以理惟君受命奉為天子代去不留人來
無已德涼者滅道高斯起赫赫高祖明明
太宗爰革隋政奄有萬邦罄天張宇盡地
開封武稱有截文表時邕高宗稽古德施
周溥茫茫九夷削平一鼓禮備封禪功齊

舜禹巖巖岱宗衍我玄神中宗紹運舊邦
維新睿宗繼明天下歸仁恭已南面網緼
化醇告成之禮留諸後人緬予小子重基
五聖匪功伐高匪德矜盛欽若祀典丕承
求命至誠動天福我萬姓古封泰山七十

八二

十六

二君或禪社首或禪云云其迹不見其名
可聞祇適文祖光昭舊勳方士虛誕儒書
齟齬佚后求仙誣神檢玉秦災風雨漢汙
編錄德未合天或承之辱道在觀政名非
從欲銘心絕巖播告群岳

宋太宗皇帝太平興國八年泰山父老千餘人詣闕請東封上謙讓不允中外群臣獻歌頌稱功德請封禪者不可勝計 雍熙元年群臣三上表陳請詔以今年十一月有事于泰山尋以乾元文明二殿災詔罷

封禪

真宗大中祥符元年兗州父老呂良等千二百七十八人詣闕請封禪上曰此大事不可輕議知州邵晔又率屬官及兗州進士孔謂等伏闕陳請宰相王旦率文武百

官諸軍將校州縣官吏蕃夷僧道著壽一
萬四千七十人詣東上閣門請封泰山詔
不允又四表懇請乃詔以今年十月有事
於泰山先是殿中侍御史趙湘請封禪上
拱揖不荅王旦等曰封禪之禮曠廢已久

八二

十七

若非聖世承平豈能振舉初王欽若既以
城下之盟毀寇準上自是常怏怏他日問
欽若曰今將柰何欽若度上厭兵即謬曰
陛下以兵取幽薊乃可刷此耻也上令思
其次欽若因請封禪以鎮服四海誇示夷

狄上曰王旦得無不可欽若以上意諭旦
旦黽勉而從十月辛卯發京師丁未次奉
高庚戌步輦登山辛亥祀昊天上帝于圖
臺中書侍郎讀玉牒文即日還奉高宮日
輪五色雲見先朝以來四方所獻珍禽產
獸悉縱於山下癸丑御朝觀壇大赦天下
改乾封縣曰奉符改泰山頂曰太平頂

玉牒祝文

有宋嗣天子臣謹敢昭告于昊天上帝運
啓大同惟宋受命太祖開階功成治定太

宗膺圖重熙累盛粵惟中人丕承列聖一
紀于茲四隩來暨玄貺殊尤六府章示時
和年豐群生成遂僉議大封聿申昭事躬
陟喬岳對越上玄祈福逮下侑神奉先天
祿無曠靈休允迪萬乘其昌永保純錫

真宗御製序銘

朕聞一區宇而恢德教安品物而致昇平
此邦家之大業也考茂典而薦至誠登喬
嶽而答純錫此王者之昭事也結繩已往
茫茫而莫知方冊所存童童而可辨罔不

開先流福累洽儲休長發其祥永錫爾類
故能禋祀上帝肆覲群后追八九之遐躅
狗億兆之歡心是以武上勦獨夫集大統
而成王以之東巡高帝平三猾啟天祿而
武帝以之上封曩以五代陵夷四方分裂
嗷嗷九域顧影而求存顛顛萬民籲天而
仰訴不有神武多難何以戡不有文明至
治何以復恭惟太祖啟運立極英武聖文
神德玄功大孝皇帝積善自始受命無疆
歷試于艱難終陟于元后威靈震疊玄澤

汪翔無往不賓有來斯應濟民於塗炭登
物於春臺俾乂萬邦成湯之甚盛咸宣九
德文王之有聲啟運于前垂裕於後太宗
至仁應道神功聖德文武大明廣孝皇帝
洪基載紹景貺誕膺如日之升燭于率土
如天之廣覆于群生人文化成神道設教
尊賢尚德下武後刑金石之音明靈是格
玉帛之禮繡繡繡繡繡來同書軌畢臻典儀無闕
上玄降鑒虞舜之溫恭庶民不知唐堯之
於變重熙之盛冠絕于古先增高之文已

頒乎成命遂巡其事謙莫大焉肆予冲人
獲守丕構其德不類其志不明弗克嗣興
罔識攸濟屬以陽春屆節靈文錫慶由是
濟河耆老鄒魯諸生啟予以神休邀予以
封祀不遠千里來至闕庭朕惕然而莫當
八二
十九
彼確乎而莫止俄而王公藩牧卿士列校
獻封者五上伏閣者萬餘以爲景命維新
珍符紛委不可辭者天意不可拒者群心
天意苟違何以謂之順道群心苟鬱何以
謂之從人是宜登介丘成大禮敷諭雖至

勤請彌固切念乾坤垂祐宗祏儲祉導場
嘉氣僅洽小康俾夫疆場以寧干戈以息
風雨以順稼穡以登無震無驚既庶既富
皆天之賜也豈朕之功歟雖則告成功紀
徽號非涼德之克堪也然而序圖錄荅殊
禎非眇躬之敢讓也天孫日觀梁甫仙閣
五嶽之宗萬物之始升中燔燎舊章斯在
繼繩先志懿範遵已定之規祗事園壇嚴
配肅因心之孝於是詔輔臣以經置命群
儒而講習給祠祀者罔有不至供朕身者

無必求豐故玉幣犧牲朕之所勤也羽儀服御朕之所簡也精意篤志夙興夕惕誠明洞達顯應遐彰自天垂恩正真親臨於雲馭奉符行事子育敢怠於政經粵以暮秋之初恭享清廟告以陟配孟冬之吉虔

登岱宗伸乎對越奉寶籙於座左升祖宗以並侑禮之正也孝之始也乃禪社首厥制咸若于時天神畢降地祇畢登昉嚮可期奠獻如覩其薦也雖慙乎明德其感也實在乎至誠亦復酌豐宮之前聞遵甘泉

之受計百辟委珮五等奉璋肆青施仁舉
善勸治稽考制度採摭風謠文物聲明所
以揚二聖之洪烈歡娛慶賜所以慰百姓
之來思蓋又兩儀之純嘏七廟之餘慶邦
家之盛美蒸黎之介福豈予寡昧所可致

八二

二十

焉唯當寤寐寅威夙夜惕厲不自滿假不
自逸豫寵綏庶國茂育群倫以答穹昊之
眷命焉勒銘山阿用垂永世銘曰節彼岱
嶽巋然東方庶物伊始玄感其章自音受
命反始穹蒼燔柴於此七十六王顧惟寡

薄恭嗣洪猷乾乾慄慄雖休勿休元符昭
錫餘慶遐流群情所迫盛則妥修前王丕
顯是月告成伊予冲眇無德而名求懷眷
佑祗荅景靈聿崇嚴祀用達精誠殊祥疊
委寓縣奔馳禮無違者神實格思藏封石

累刻字山嶺蒸民永泰繁祉常垂

孫奭諫疏

陛下才畢東封又議西幸非先王卜征五
年重謹之意今國家土木之功累年不息
水旱作沴饑饉居多乃歆勞民事祀神其

享之乎又曰今之奸臣以先帝嘗封禪故
贊陛下以繼承先志先帝欲北平幽朔西
取繼遷則未嘗獻公謀畫一策乃卑辭厚
幣求和於契丹國廢爵姑息於保吉謂
主辱臣死為空言以誣下罔上為已任是
陛下以祖宗艱難之業為奸臣僥倖之資
此臣所以長嘆痛惜也

八二

十一

徽宗政和四年交鄆濮開德興仁穎昌府
鄭州廣濟永興軍等上言父老欲詣闕請
皇帝登封詔却之時蔡京當國將講封禪

以文太平預具金繩玉檢及凡儀物其備
造舟四千艘錐兩具亦以十萬計他皆稱
是然不果行

皇明永樂間太常官獻頌請封泰山

成祖文皇帝却絕之 王直題卻封禪頌藁

右卻封禪頌藁前翰林學士贈禮部尚書

文穆公胡廣作也昔

太宗文皇帝在位時太常臣有言曰古者聖
人治天下功德盛隆則必興封禪之禮以
告于神明垂美於萬世今陛下繼統天清

地寧民物咸遂 聖德神功古無與讓而
乃封禪那講何以繼前代帝王之盛請命
禮部行之上曰封禪非古也帝王之有聞
於後者在德不在封禪不許公聞之曰此
盛德事也而大臣有與之比者陰助之公

慮爲所惑乃本封禪非古之說與後世賢
君良臣所以闢而不行之美作此詩以獻
皇上聖性高明真知灼見足以破千古之謬
爲百王之明監覽之喜曰是朕心也於是
言者沮而封禪卒不行君子之尊君務引

其君以當道若公是也彼秦皇漢武肆其
侈心以瀆擾上下天地厭之顧乃以是為
說此為邦者所以遠佞人而公之所深慮
也

歷代儒臣封禪論

八二

廿二

漢司馬虎曰自上皇以來封泰山者至周
七十二代易姓則改封者著一代之始明
不相襲也繼世之王巡狩則有修封以祭
而已自秦始皇孝武帝封泰山本因好仙
信方士之言及造石檢即封之事也天道

質誠約而不費故牲用犢噐用陶匏殆將
無事於檢封之間而樂難攻之石也夏少
康周宣王由廢復興不聞改封光武欲因
孝武故封而梁松固爭以爲必改乃當天
意既封之後未有能福而松卒被誅死雖
罪由身作盖亦誣神之咎也且帝王所以
能大著于後者實在其德加於人不聞其
在封矣崔靈恩曰自周以前封者皆封土
爲壇至秦皇漢武始用石檢袁宏曰夫揖
讓受終必有至德於天下征伐受命必有

大功於萬物是故王者初基則有封禪之
事蓋以其成功告于神明者也夫東方者
萬物之所始山嶽者靈氣之所宅故求之
物本必於其始取其所通必於所宅崇其
壇場則謂之封明其代興則謂之禪然則
封禪者王者開務之大禮也德不周洽不
得輒議斯事功不弘濟不得鬻鬻斯禮曠
代一有其道至高自黃帝堯舜至于三代
各一得封禪未有中修其禮者也雖繼體
之君時有功德此蓋率復舊業增修其前

政不得仰齊造國同符改物者也夫神道
真一其用不煩天地易簡其禮尚質故籍
用白茅貴其誠素噐用陶匏取其易從然
則封禪之禮簡易可也若夫石函玉牒非
天地之性也

梁許懋曰舜柴岱宗是爲巡狩而鄭玄引
孝經鉤命決云封于泰山考績燔燎禪于
梁甫刻石紀號此綿書之曲說七十二君
燧人之前世質民享安得泥金檢玉結繩
而治安得鐫文告成妄亦甚矣若聖主不

須封禪若凡主不應封禪秦始皇嘗封泰山孫皓嘗封國山皆由主好名於上而臣阿旨於下非盛德之事不可爲法也

宋胡致堂曰緯書本原於五經而失之者也而尤紊於鬼神之理幽明之故夫鬼神

無灾吉曜臨軒錫五福以曰福曰彞稽首皈依至真妙道 德光常曜天尊

法衆等志心皈命靈濟宮

九天金闕明道達德大仙顯靈普濟清微洞玄冲虛妙感慈惠護國庇民崇福洪

恩真君

九天玉闕宣化扶教上仙昭靈博濟高明
弘靜冲湛妙應仁惠輔國佑民隆福洪

恩真君

宮中神仙諸靈官謹燃璣衡七政神燈

上布日曜太陽之象

恭聞道在太極之始莫見乎隱莫顯乎
微日者衆陽所宗無願不成無幽不察
莫測其妙所存者神赫赫厥靈人可畏
之如趙盾明明在上民皆仰之若周公

輝光其德盛矣乎潔白其節皎如也烏
輪肅備朝覲鬱儀之宮羲駕莊嚴燕享
洞陽之殿放在毫光萬丈普照世界三
千入吾門也無葦屋之疑遵吾道也滅
索塗之病伏念一切衆生塵埃汨沒徒
窮逐影之勞電露虛華惟有過隙之歎
自今反照與道常明伏願中為市者獲
行商坐賈之財出而作之安耕田鑿井
之業藝之巧者以圭測影工之勤者繼
晷焚膏為儒者賦誇五色文章入仕者

武遠矣使其舉措每如此則金甌之業何
缺壞之有

章俊卿曰以封禪爲非古者王仲淹也以
封禪爲不經者李泰伯也以封禪爲不足
信者蘇子由也夫六經無封禪之文帝王

八二

廿五

無封禪之事著是文者管仲疏其源史遷
浚其流季仲推其波張說助其瀾侈是事
者祖龍噓其煙孝元封其燼隋帝熾其膏
玄宗烈其焰是封禪之典惟以肆情示誇
也證之以六經之明文質之以帝王之實

迹則後世之惑滋甚且云云一山也或以
爲在東山或以爲在蒙陰亭亭一名也或
以爲在牟陰或以爲在鉅平社首一地也
或以爲在鉅平或以爲在博縣則服虔晉
灼應劭之論不同既曰伏羲神農禪云云
又曰三皇禪繹繹既曰帝嚳堯舜禪云云
又曰五帝禪亭亭既曰禹禪會稽湯禪云
云又曰三王禪梁有則管仲孔穎達之說
爲不一紛紛異議迄無訂證唐虞三代果
有是乎七十二君果足信乎設有是事六

經遺文豈應不載吁安得仲淹泰伯子由
與之議封禪之非哉

馬端臨曰按文中子曰封禪非古也其秦
漢之侈心乎而太史公作封禪書則以爲
古受命帝王未嘗不封禪且引管仲荅齊

桓公之語以爲古封禪七十二家自無懷
氏至三代俱有之蓋出於齊魯陋儒之說
詩書所不載非事實也當以文中子之言
爲正

野翁詩話唐竇庠冬夜寓懷寄王翰林詩

云滿地霜蕪葉下枝幾回吟斷四愁詩漢
家若欲論封禪須及相如未病時按史記
天子曰相如病甚可往悉取其書使所忠
往相如已死妻曰長卿未死時爲書一卷
曰有使來求奏之言封禪事所忠以奏天

八二

廿六

子異之夫封禪秦漢侈心既非古禮而相
如至死不忘獻謏夫豈忠臣而庠以自比
或以比人此唐儒之陋也韓退之亦上表
勸封禪又數自謂希相如退之儒宗猶爾
如庠何議焉

明丘濬曰封禪之說說書禮典畧不經見
審有是事乃天下國家之盛舉堯舜禹湯
文武成康皆身致太平安得闕而弗講所
謂七十二君者果何代何人哉先儒有言
養生至於長生不死爲國至於祈天永命
皆有是理然人未有能爲之者縱爲之然
亦不出乎身心日用之間非必由乎服食
藥物徼求鬼神而後致之也是故明君求
年莫若寡欲延國祚莫若愛民寡欲而至
於全其天愛民而至於過其曆誠有是理

亦誠有是事嗚呼世主所以甘心於不貲
之費而行封禪之禮者以有秘祝之求也
誠知此理反之於心知其必無驗之於古
知其無効則自不為矣

岱史第七卷望典紀

八二

廿七

叙曰曷云乎望也帝王祀事之稱也紀之者
何秩祀以崇禮也夫國之大事惟祀祀之大
事惟天地與五嶽而岱惟嶽首帝王狩望必
先焉於禮豈弗崇重哉然虞書望祀而曰秩

周禮四望而曰秩視三公蓋別於天地也無
用越禮以爲媚也降及後世飾緝矯誣唐則
稱王宋則稱帝獻符奏策瑤牘雲臺輒冀幸
饗神而徼之福顧不思夫神聰明正直而一
者也以此媚之克享否乎我

高皇帝稽古制祀典先正其名號曰東嶽泰
山之神而郊壇而遣告而禱賽一切秩之以
禮與帝典王章同符列聖承之昭然成憲可
爲萬世法若夫公卿百執事有事於祀者凡
以爲國爲民也例得附錄焉

唐虞歲二月東巡守至于岱宗柴望秩于山

川見舜典

周大宗伯以血祭祭五嶽山宗伯四望五嶽

五嶽視三公見周禮

周公封于曲阜伯禽為魯侯遂得主泰山

之祀見魯世紀

魯僖公三十一年夏四月四卜郊不從乃

免牲猶三望見春秋○公羊傳曰三望者何望祭也祭泰山河海也

魯宣公三年春王正月郊牛之口傷改卜

牛牛死乃不郊猶三望同上

季氏旅於泰山子謂冉有曰汝弗能救與
對曰不能子曰嗚呼魯謂泰山不如林放
乎

秦始皇即帝位三年東遊海上祠名山大川
及八神八神之次二曰地主祠泰山梁父

八二

廿八

八神之祀莫知所起蓋周之先已有之始
皇因之及舉封禪亦祠泰山

漢高祖至武帝時泰山屬濟北王境內自奉
祠元狩元年王以天子且封禪上書獻泰
山然後天子官領祠元封五年帝至奉高

修封祠泰山其後五年一修封凡五祠焉
宣帝神爵元年詔太常制五嶽常祀禮皆
使者持節唯泰山與河歲五祠餘皆三祠
光武申元元年定北郊祀五嶽建武三十
年三月帝却封禪之議幸魯退祭泰山

三十二年二月帝舉封禪祭天於泰山下
南方又以一犧牲於常祠泰山處告祠泰
山

章帝元和二年二月幸祀泰山 風俗通
曰岱宗廟十月日合凍臘月日涸凍正月

日解凍皆太守侍祠

魏文帝黃初三年祀五嶽

晉成帝咸和八年立北郊五嶽從祀

梁令郡國有五嶽者置宰祀三人以孟春仲

冬祠之

八二

廿九

後魏景穆帝立五嶽廟於桑乾之陰每歲遣

祠官詣諸嶽鎮禱焉

孝文帝祭岱嶽文曰造化氤氳是生二儀

玄黃既闢山川以離四流含靈五嶽苞祗

并奠方象出納望義岱宗穹崇梁甫盤嶠

青丘碣嶷春趾鬱律肇生庶類啟光品物
上敷神工下融靈秩載協化文四氣以溢
百王鐫成莫不茲室

唐武德貞觀制以五郊迎氣之日祭五嶽又
祭東嶽於兗州

玄宗開元初五郊迎氣之祭如舊制

祝文見後

開元十三年封泰山神爲天齊王禮秩加

三公一等 是時天台道士司馬承禎言

今五嶽神祠是山林之神也五嶽皆有洞
府有上清真人降任其職山川風雨陰陽

氣序是所理焉冠冕童服佐從神仙皆有
名數請別立齋祠玄宗竒其說勅五嶽各
置真君祠故今道書稱東嶽太靈蒼元司
命真君云

開元初定常祭儀祝曰嗣天子其謹遣某

官某敢昭告于東嶽岱宗惟神贊養萬
品作鎮一方式因春始謹以玉幣犧齋粢
盛庶品朝薦于東岳岱宗尚饗

天寶元年七年八年皆以歲豐遣官祭五
嶽

德宗貞元二年詔太常卿裴郁等十人各就方鎮祭嶽瀆

宋初祭東嶽泰山於兗州

真宗大中祥符元年封禪禮畢詔加號泰山天齊王爲天齊仁聖王五年加上曰

八二

三十

天齊仁聖帝命學士晁迥撰天齊仁聖帝碑銘今存嶽廟

晁迥碑銘

臣聞結萃爲山麗無疆之厚載升名曰嶽表奠服之崇丘至若根一氣以混成媿四

時而首出作鎮東夏寔惟岱宗辨乎五方
設位冠配天之太畫爲八卦建標當出震
之區邃深連空洞之宮翕習號神靈之府
夫其魁甲良象握制坤軸嶷嶭嶻嶭穹崇
岩堯天門路界於鬱蒼日觀勢臨於杲曜
列仙遯迹存棲真之石閭求命儲休闕與
齡之金篋滋殖百卉函育庶類畜泄雷雨
吐納風雲封之所以合元符登之所以小
天下近綴梁柱遠矚秦吳控壓海沂襟帶
洙泗鄒人所仰魯邦是詹肇生物之化樞

蓋願貞之壽域也古先哲后誕膺駿命披
皇圖稽帝文告成功申大報昭姓考瑞刻
石紀號自無懷氏迄唐明自登封展采布
在方冊者罔不于茲矣開元十三年始封
神曰天齊王禮秩加三公一等綿歷五代
八二
卅一
寂寥無聞爰暨皇朝勃興喜運叶百姓與
能之望應真人革命之秋太祖皇帝總擎
英雄鞭撻宇宙勤勞四征削平多壘方混
一於寰中太宗皇帝纂隆洪緒懋建皇極
斟酌道德統和天人乃綏懷於海外然而

艱難創業緼畜貽謀勒崇奮災將底績而
未暇開先遺大知弈世而有歸粵惟崇文
廣武感天尊道應真佑德欽明上聖仁孝
皇帝陛下承鼎定之基格孟安之世顯仁
以育物廣孝以奉先宣洽重熙財成庶政
弭息戎旅撫柔要荒乘國步之密清宅天
衷於醴粹因之以豐懋加之以阜康席慶
宗廟之重游心帝王之術長轡遠御大道
坦夷天衢於是乎嘉聲德教於是乎漸被
戴日戴斗聿遵朝聘之期太平太蒙盡入

車書之域垂衣在上擊壤在下得以疇咨
俊茂博訪幽隱講求典禮包舉藝文接千
歲之統可炳儀於封祀當萬物之盛宜昭
告於神明然猶務謙尊而益光體健行而
不息冲晦藏用淵默思道俄而天休震動

上帝顧懷真錄存臻靈心有懌總集峻命
覺悟烝黎踰金簡玉字之文等河圖洛書
之寶承是秘檢發爲蕃釐霑澤開榮普天
受賜新建元之號易通邑之名茂昭降祥
聳動群聽是時東土耆老奏闕廷以上書

南司宰輔率官師以抗表願循考古之道
煥發升中之儀弗獲固辭乃徇勤請且以
增覆載之高厚揚祖宗之純懿也儲峙供
億悉出於縣官經啓營繕不煩於民力大
中澤符元年冬十月具儀制嚴仗衛陳屬
御濟介丘齋心服形奉符行事群司奔走
百禮修明集嶢巖之巔浚顛英之氣壇壝
清肅牲噐純備玉幣式叙樽彝在列奠獻
克謹曠繹用張晏娛交三神之歡陟配崇
二聖之位舉權火升高烟示琛牘以環觀

建雲臺而特起社首之禮抑又次焉咸秩
無文奉行故事朝會赦宥涵濡盪滌采輿
誦求民瘼旌前列衍徽章參用王制著明
皇績大猷克集神實幽贊故自始及末見
象日昭史氏之筆殆不停綴則有非烟紛
郁太陽晏温仙芝無根菌蠢以含秀醴泉
無源炁涌而善利靈輝休氣嘉穀竒木鱗
介之宗長翔游之品類表異駢出曠代絕
倫豈非受職修貢發祥介福之徵乎人謂
是山崇冠群嶽功件造化斯不誣矣國家

稽虞書四巡之首原漢氏五祠之重述宣
邦典申嚴祭法奉正直聰明之德聲精皮
嘉粟之誠爲民祈福與國均慶封巒之後
復增懿號曰仁聖天齊王蓋以形容靈造
舉褒崇之禮也名稱之義大矣哉化工生

八二

廿三

物之謂仁至神妙用之謂聖登隆顯赫亦
云至矣復思嚴飭廟貌彰灼威靈責大匠
之職議惟新之制於是命使屬役協辰儻
功庀卒徒給材用興雲鋪運風斤程土物
以致期分國工而騁藝規畫畫妙樂勸志

勞踰年而成不愆于素棟宇加宏麗之狀
像設貴端莊之容几所對越肅恭逾至四
年春舉汾陰后土之祀成天地合符之禮
憲章明備上下交感純嘏既錫大賚施及
圓首方足式歌且舞猗與間歲順動焜煌
景鑠而皆擬聖明之述作從英茂以飛騰
灼叙慶靈奉揚殊旣紀諸盛節悉以命篇
布日星之華配雲雨之潤並刊鳳藻散跼
龜趺播洋溢之頌聲垂極蟠之能事而志
求象罔順拜崆峒闢衆妙之門廣列真之

宇非止卜永年於郊廓是將納雅俗於華
胥者也又以太一五佐本乎天大寧五鎮
本乎地其位參兩鴻名可齊特尊列嶽咸
加帝號由是奉升泰山之神曰天齊仁聖
帝乃命案馳道之東偏直宸居之巽位辟

地經始別建五嶽帝宮以申崇尚之禮焉
御製奉神述詔中書召侍從之臣諭以制
作之本意觀夫聖文之梗槩以爲岱鎮之
大輔于柔祗動植之所蕃息原源之所滋
液至靈允宅陰騭攸司鍾馭穀而有徵繫

黎元之是賴舊帛具載前王式瞻著冊封
之典嚴祀祠之禮增奉邑之數申樵蘇之
禁皆以仰不測之明威顯無方之妙迹也
方今兵革偃戢華夷會同歲獲順成物無
疵癘率由丕應宸助永圖固當稽彼前聞
進其尊稱謂乎唐虞曰帝商周曰王夫商
周之王爵人臣而有素唐虞之帝奉神道
而何疑况其容衛等威冠裳制度極徽數
以宿備宜明艷以相符因而成之禮無違
者願延景祐普及含生至乎弋聲動睿辭

無私廣大坦然明白之理沛然利澤之德
曲成司牧俾臻富壽有以見聖人之情矣
遂誌勒石徧立於五嶽廟庭從近臣之議
也是歲冬並命使介分詣諸嶽定吉日飭
有司皇帝被法服御朝元殿禮行樂作而
臨遣之持節受冊來冕相繼次叙而出觀
者如堵且嘆文物聲名之盛未嘗有也使
者奉詔訖事率叶素期於穆宏觀慶超千
古矣越明年詔五臣撰辭各建碑於嶽廟
而臣浸漬皇澤涵泳清微偶集鳧鴈之行

遂塵龍鳳之署預承綸旨強叩蕪音曷勝
眷獎上以慶幸宣明盛禮叨奉冊於秦城
潤色貞珉玷彌文於魯嶽荷輝榮之稠疊
愧才學之空虛爍吻濡毫謹爲銘曰節彼
泰山蟠亘大東一氣凝神五嶽推雄勢并
八二
卅五
鳧繹秀出龜蒙崛起海表目爲天中高摩
霄極俯瞰暘谷神策斯秘昌圖可卜物性
鍾仁民居獲福魯邦是常盛德在木百靈
淵府三宮洞天稷丘真隱芝童列仙白鹿
方駕飛龍命篇宅其勝境幾乎大年嶽長

曰宗歲交曰岱仰止嶢岩奠茲持載壽域
既優神聰有賚禱祀誕隆寅威如在千載
興運八紘開基武功盪定文教緝熙封禪
縟典祖宗制宜逮夫聖嗣方畢宏規惟帝
奉符惟神佑德茂績其凝皇猷允塞嘉應

沓臻鴻禎靡測芄芄豐衍元元滋息於赫
靈廟控帶名區有詔改作俾受全模協心
董役豐資庀徒技婢勿倍雷動星敷大厦
咸新群黎改觀窳窳靚深崢嶸輪奐肅穆
威容潔清几案欽脩允宜躬嚮攸贊功懋

天作澤從雲游式諧民望昭報神休殊號
斯薦前古匪儔庶安億兆豈止懷柔天帝
之孫復升以帝出乎震宮臨乎日際事固
莫京理亦潛契樹此翠碑騰芳百世

金每歲御署祝板命守臣侍祠

元至元二十八年加上泰山天齊大生仁聖
帝歲一遣官祭嶽祠

皇明洪武三年六月二十日

皇帝制曰磅礴東海之西中國之東參穹靈
秀生同天地形勢巍然古昔帝王登之觀

蒼海察地利以安民主祝曰泰山於敬則
致於禮則宜自唐始加神之封號歷代相
因至今曩者元君失馭海內鼎沸生民塗
炭予起布衣承上天后土之命百神陰佑
削平暴亂正位稱職當奉天地享鬼神以

八二

卅六

依時統一人民法當式古今寰宇旣清持
脩祀儀因神有歷代之封號予起寒微詳
之再三畏不敢效盖神與穹同始靈鎮一
方其來不知歲月幾何神之所以靈人莫
能測其職受命於上天后土爲人君者何

敢預焉懼不敢加號特以東嶽之神名其
山依時祭神惟神監之

歲春秋二仲月泰
安州記禮先丁祭

一日

御製岱山高文曰岱山高兮不知其幾千萬

仞根盤齊魚鱗兮亦不知其幾千百里影照

東海兮巍然而柱天益於民庶兮興雲吐

霧神龍出乎其間降祥則甘露垂於松栢

佳歲則滂沱遍於厚坤冬則寒風時出巖

壑雜然而有聲百川林藪森然而如雷坤

之所載世之山首岱山北至如暘谷之東

方或登峯頂時聞天聲萬籟岱山之高也
哉柱天之勢其可云乎俄而風生萬壑雲
起諸巒隱隱雷動百川倏忽電掣萬里長
虹此岱山之神至也至則威靈百備神之
造化如此少時風靜雲收電斂雷息又百
川之清泰其岱山尤其高哉其蒼松也始
天地而生倚丹崖而長松之所以長尋不
比丹崖所以高萬仞何量蓋由太古之歲
月以至于今蒼松掃丹崖而莓苔不秀丹
崖映蒼松而五色交輝猿啼雲樹之杪鶴

並日觀之東鷗盤旋乎深谷雖扶搖不
可得而昇峯於戲登泰山而小天下越大
海而眇江湖信哉

洪武十年歲次丁巳八月丁未朔

皇帝謹遣曹國公李文忠道士吳永輿鄧子

方致祭于東嶽泰山之神曰朕荷上天后
土之眷命蒙神之效靈以致平群雄息禍
亂君主黔黎於華夏統控蠻夷於今年
中國康寧然於神之祀若以上古之君言
之則君爲民而禱歲有春祈秋報之禮於

斯之際有望於神而祭者有巡狩於所在而燎瘞者今予自建國以來十年于茲國爲新造民爲初安是不得親臨所在而祀神也特遣開國忠臣李文忠道士吳永輿鄧子方以代予行奉犧牲祝帛於祠下以

報效靈自今以後歲以仲秋詣祠致祭惟神鑒之尚饗

洪武十一年遣道士吳永輿官行南告白惟神靈峙方嶽鍾秀后祇主司生民厥功允大時維仲秋禮當報祀特命使者奉犧

牲祝帛詣致祭伏惟鑒之尚饗

洪武二十八年遣神樂觀道士樂本然國子監生王濟祭曰昔者元運將終英雄並起民患兵殃時予亦與群雄並驅輯兵保民上帝默相山川受命效靈所在必克轉

八二

卅八

戰五年餘方乃兵偃民息衆樂生生之計天下太平二十八年矣今洪武乙亥四月間廣西布政司報蠻夷酋長龍州趙宗壽奉議州黃世鐵不循治化負國殃民兵興之事奉重既行不敢不告所以告者兵行

十萬各離父母妻子途間饑飽勞逸出嵐瘴氣患者有之此兵行之難兵入其境良民受害且大軍所過荆棘不生民驚且疑未有不傷者也此其所以告也但欲瘴癘之方化煙嵐爲清涼之氣俾殄渠魁良民

安業軍士速回各得完聚以養父母是其禱也然予未敢輕告上帝惟神鑒之爲予轉達謹告

洪武三十年遣神樂觀道士朱鐸如監生高翥祭曰昔元末兵爭傷生者衆予荷皇

天眷命嶽鎮海瀆山川效靈諸將用命偃
兵息民今三十年矣兵燹之餘民方安定
邇來西南戍守諸將不能昭布仁威但知
肥已霍人致令諸夷苗民困窘而奮怒攻
屯戍致傷戍守善民者予非敢用兵由是

八二

卅九

不得已指揮諸將帥兵進討然山川險遠
彼方草木茂盛煙嵐雲霧鬱鬱之氣吞吐
呼吸則人多疾疫此行人衆各辭祖父母
父母妻子涉險遠以靖邊夷以安中夏萬
冀神靈轉達上帝賜清涼之氣以消煙嵐

早定諸夷速歸營壘得奉祖父母父母眷
屬團圓是其禱也今年九月二十六日兵
行特遣人專香帛牲醴先詣神所謹告尚
饗

永樂五年遣道士復生監生張禮祭曰比

者安南逆賊黎季穆及子孫黎蒼逞兇肆
暴虜壞邊疆侵奪思明府祿州等處地方
予加寬貸不肯興師問罪但遣使諭使還
地黎賊巧詞支吾所還地多非其舊還地
之後復據西平州又侵寧遠州逼脅命吏

占管人民刼掠資財殺虜男女邊境之民
受其殘酷安南之人并被其害誅求百端
老幼不寧占城之地累年遭其刼掠予數
遣人告諭冀其改過而賊稔惡日甚罔有
悛心予爲天下主視民塗炭安忍不救乃
命將出師聲罪致討志在弔民豈敢用兵
實出於不得已賴皇天后土眷二嶽鎮海
瀆效靈將士奮志賈勇悉掃蕩其孽党撫
安其良善尚念將士暴露于外離其父母
妻子山川險阻道里迢遞今天氣炎熱恐

嵐瘴鬱蒸起居失調易於感疾予夙夜念
此寢食不寧萬冀神靈鑒予誠悃聞於上
帝賜以鴻庥潛消瘡癘俾降清涼使將士
安寧百疾不作特遣人致香帛牲醴先詣
神所祭告尚饗

八二

四十

宣德十年歲次乙卯五月壬申朔十五日
丙戌

皇帝謹遣泰安州知州胡宗敏祭告于東嶽
泰山之神曰予嗣祖宗大位統理下民
夙夜惓惓養民爲務上祈神靈陰隆助相

俾雨暘時順災沴不生百穀用成民用康
濟國家清泰永賴神庥謹以香帛達予至
誠惟神鑒格尚饗

正統元年歲次丙辰五月丁卯朔十五日
辛巳

皇帝謹遣吏科給事中車遜致祭于東嶽泰
山之神曰越此東土泰嶽惟崇民物奠安
厥功允茂予嗣承大統謹用祭告惟神歆
格求祐家邦尚饗

正統三年遣泰安州知州胡宗敏告曰朕

祇御下民永懷保恤百穀長育茲惟厥時
顯冀明靈特隆敷祐無災無沴時雨時暘
作歲豐穰以穀黎庶尚饗

正統九年遣翰林院侍讀習嘉言告曰子
奉天育民愧涼于德致茲久旱災及群生

八二

四十一

夙夜省躬中心惓切神司方嶽憂憫諒同
雨農以時冥任其責特茲致禱尚冀感通
弘布甘霖用臻豐稔匪予之惠時乃神庥

尚饗

景泰三年遣太子太保兼都察院都御史

王文奉香帛太牢祭曰茲者河流泛溢自
濟寧州以南至于淮北民居農畝皆被墊
溺所在救死不贍朕實傷切于懷夫朕敷
政以惠民神出泉以澤物皆上帝所命今
泉流溢於淮泗灾害及於公私伊誰之責

固朕不德所致神亦豈能獨辭必使泉出
得宜民以爲利而不以爲患然後各得其
職仰無所負而俯無所愧專戾感通以慰
懇切謹告

景泰六年遣刑部尚書薛希璉奉香帛牲

醴告曰恭承天命重付眇躬民社所依灾
祥攸繫志恒內省玆每外垂或寒燠愆期
或兩暘踰度田疇失利穀麥不登憂切民
心妨及國計究推所自良由在茲然因咎
致灾固朕躬罔避而轉殃爲福實補職當

專夫有咎無功過將惟一轉殃爲福功孰
與均特致懇祈幸副懸望謹告

成化六年遣掌太常寺事禮部尚書李希
安告曰邇者山東地方爰自去秋訖于今
夏天時久旱泉流乾涸夏麥無成秋田未

種運河淺澁船運艱難中心皇皇深切朕

念惟神奠鎮一万人所恃賴觀茲旱暵寧

不惻然茲特遣官齎香帛以告于神冀體

上帝好生之德默運化機弘施雨澤使田

野霑足河道通行用紓朕慮大慰民望庶

八二
四十二

幾神之休聞求永無窮神其臨金之尚饗

成化十三年遣山東布政使司左布政使

陳儼告曰國家敬奉神明聿嚴祠祀所期

默運化機庇佑民庶乃近歲以來或天時

不順地道欠寧或雷電失常雨暘爽候或

妖孽間作疫癘交行遠近人民頻遭饑饉
流離困苦痛何可言惻然於衷罔知攸措
惟神奠鎮一方民所恃賴覩此灾沴能不
究心是用特具香帛遣官祭未尚冀體上
帝好生之德鑒予一憂憫元元之意幹旋造

化弘闡威靈捍患禦灾變禍爲福庶幾民
生獲遂享報無窮惟神鑒之尚饗

成化二十一年遣巡撫山東都察院左副
都御史盛顥告曰惟神自開闢來作鎮東
玉興致雨雲成育萬物靈明克昭蒸民攸

賴是以歷代報祀之典有隆無替乃今歲
二三月間震動數次意者人事不脩不齊
瀆神弗安弗寧守臣䟽達朕心憂惶祇備
香帛命官往祭望喬嶽以虔祈冀鑒臨而
奠位助司元化誕福斯人夫古今瞻仰者

八二

四十三

在茲國家欽崇者在茲謹告

弘治四年遣通政司左通政元守直祭曰
伏自去歲一冬無雪今春天時亢旱雨澤
愆期田苗枯稿黎庶憂惶予甚競惕用是
側身脩省虔致禱祈維神矜憫下民幹旋

大造早霈甘澤潤滋禾稼弘濟民艱庶民
有豐稔之休則神亦享無窮之報謹告

弘治六年遣巡撫山東地方都察院左僉
都御史王霽祭曰伏自去冬無雪今春少
雨田禾未能播種黎庶實切憂惶予甚兢

惕用是側身脩省虔致禱祈惟神矜憫下
民軫旋大造早霈甘澤以滋禾稼以濟民
艱庶民有豐稔之休則神亦享無窮之報
謹告

弘治七年遣內官監太監李興太子太保

平江伯陳銳右副都御史劉大夏右僉都
御史熊翀以香帛告曰比者黃河不循故
道決于張秋東注于海旣壞民田又妨運
道特遣内外文武大臣循行潰決之處督
工脩築神其默相用成厥功使農不夾業

國計不虧不勝惓惓願望之至謹告

弘治己未年

御製重脩東嶽廟碑朕聞自古天子報祀鬼
神之禮載在典冊自郊祀天地而下復有
所謂名山大川之祭蓋名山大川兩間物

形之最鉅者形鉅則氣之所鍾亦鉅而神
必依之於是有雨澤之潤有財貨之生有
年穀水旱之祈禱焉以利生人此報祝之
所由起也惟泰山在古兗州於方爲東故
稱東嶽於時爲春春主生萬物之始群嶽

八二

四十四

之長又稱岱宗古者天子巡狩秩祭之所
先而東方諸侯在其封內亦得以祭然其
禮視三公蓋以別於天地也降及後世乃
崇以美號至於帝王則與天地無別矣我
聖祖高皇帝有天下之初詔定祀典始復其

號曰東嶽泰山之神禮嚴報祀著令至今
大聖人超卓之見蓋出尋常萬萬豈特朕
所當恪守雖萬世子孫莫之能易也東嶽
之廟今徧於天下其在泰山者爲專祀歷
代所重故廟之規制甲於他方香火特盛

我祖宗列聖自國初以來報祀惟謹廟
宇亦屢加脩葺然歷歲旣久風侵雨剝棟
宇榱桷盖瓦級磚與夫丹雘藻繪之飾未
免傾圯漫漶弘治己未冬朕承祖宗禮
神之意遣御馬監太監苗逵往脩祀事具

以爲言即發內帑銀八千餘兩并在廟積
貯香錢命達會山東鎮巡等官葺之未幾
西陲告警達有督軍之行工不時就壬戌
冬再以祀事往乃與巡撫右副都御史徐
源等議委右布政使俞俊專董其役而分
巡副使王宗錫往來協同吏勤工善越明
年夏乃就訖白三殿而下若廊廡若門垣
等凡傾者以易圯者以完漫漶者以鮮以
潔金碧輝映廟貌深嚴泰嶽明靈旣尊且
安自是而往陰佑顯相我國家之胤祚一

方之生靈益有賴於無窮矣達暨鎮巡等
官咸奏是舉之盛宜有述以示後爰識巔
末并繫之詩曰鴻蒙未判一氣渾然清升
濁降始肇乾坤賦形之大惟山與川氣隨
形鍾神乃在焉巍巍泰山高入雲烟群岳

宗之靡或與肩自古天子秩祭孔虔禮視
三公祀典攸傳降及唐宋縟禮相沿殊名
美號益謹益專於惟我祖志復古先秩
祀有詔功邁前編朕承先烈精誠彌堅
祀事載脩廟貌增妍神心鑒悅降福綿延

壽我胤祚光我化甄蕩蕩平平億萬斯年
正德五年遣戶部左侍郎喬宇告白比者
曠厲踰時雨澤少降水泉枯涸運道良艱
意者政有乖違上干叶氣予心警惕內自
省循爰飭有司各脩乃事粵惟齊魯之地

泉源是鍾名山大川神所居守敬將香帛
特遣廷臣仰冀明靈幹旋大化沛施甘澤
濬發河流庶使國餉疏通田禾暢茂民生
有賴邦本無疆謹告

正德六年遣山東等處承宣布政使司右

叅議徐永告曰去歲以來寧夏作孽命官
致討逆黨就擒內變肅清中外底定非承
洪佑曷克臻茲因循至今未申告謝屬者
四方多事水旱相仍餓莩載塗人民困苦
盜賊嘯聚剿捕未平循省咎由實深兢惕
伏望神慈昭鑒幽贊化機災沴潛消休祥
叶應佑我國家永庇生民謹告

八二

四十六

嘉靖十一年遣泰安州知州李收祭曰惟
神鍾靈孕秀鎮奠一方陰翊國家其來尚
矣朕以寡昧恭承天命十有一年于茲敬

事神祇罔敢少懈顧儲宮未立恒切于懷
茲者特具牲帛醴齊遣官虔禱伏望茂著
神功錫予元嗣則我國家綿慶禔于無窮
而神亦享福于有求矣伏惟尚饗

嘉靖十七年遣泰安州知州丁方祭曰比

歲嘗命官禱嗣于神昨丙申孟冬之吉仰
荷天賜元儲亦神所贊佑者茲用致謝神
其鑒歆而求惟默佑焉尚饗

嘉靖二十二年歲次癸丑閏三月丁未朔
越二十八日甲戌

皇帝遣巡撫山東地方都察院右副都御史
沈應龍致祭于東嶽泰山之神曰朕祇奉
天命主宰萬民夙夜兢惕靡敢怠遑茲者
淮徐守臣奏稱去夏以來黃河漲溢水患
異常堤岸衝決民舍淪沒運道淤塞百姓
阻饑不能聊生朕聞之惻然惟神雄鎮一
方求饗秩祀茲宜體

八二

四十七

上帝好生之德捍災俾濟築工成水循
故道民安常業漕運疏通惟神之顯庶幣
帛將誠神其鑒之謹告

嘉靖三十三年歲次甲寅二月壬申朔十

八日己丑

皇帝遣巡撫山東地方都察院右副都御史
沈應龍致祭于東嶽泰山之神曰比因河
水漲溢糧道梗阻已經遣官祭告茲者明
神顯應脩濟工成河通運達國計有裨特
茲致謝惟神歆鑒謹告

嘉靖三十三年歲次甲寅四月辛未朔十

二日壬午

皇帝遣巡撫山東地方都察院右副都御史

沈應龍祭告于東嶽泰山之神曰朕奉
天命子育萬民所冀歲稔時和災害不作
爾者各處地方水旱兵荒人民遭厄危亡
載路災變異常朕心憂惕惟神上奉 帝
命奠濟一方諒垂矜憫爰命潔士齋捧香

帛特遣撫臣備儀竭虔詣祠致祭所冀明
神大彰靈應潛幹化機俾氣序順調雨暘
時若弭解災劫溥資豐泰庶同朕奉 天
子民之意而神亦享惠于無窮矣謹告
隆慶三年

皇帝遣巡撫山東都察院右副都御史姜廷
頤告嶽文曰邇者水災異常殃及黎庶良
軫朕懷茲特遣官祭告惟神鑒祐永福邦
民謹告

萬曆元年

八二

四十八

皇帝遣祭于東嶽泰山之神曰惟神毓秀鍾
靈永表東土奠安民物萬世允賴茲予嗣
承大統謹用祭告神其歆鑒佑我國家尚
饗



歷代群臣祀祝

魏高允祭岱嶽文正址坤元作鎮東夏齊二儀以求固崇至德以配天故能資元氣以造物協陰陽而變化若其崑嶺峭峙川谷幽深神恠譎詭倏忽百靈吐納風雲育成

萬品攝生之所歸焉禎祥之所萃焉是以歷代帝王之崇封禪銘功以告其成七十二君咸在茲焉自非功侔造化應同自然孰能若此者哉自我國家肅恭禋祀懷柔百神邦域之內罔不咸秩徃以天路未夷

雖望祭有在今大化既同奄有淮岱謹薦

于嶽宗之靈民饗皇興二年

宋歐陽脩祭東嶽文脩比者獲解郡章許還

里開方中車而即路屬暑雨之時行輒以

愚誠仰干大造蒙神之惠賜以不違吹清

八二

四十九

颶而散陰泰秋陽以涸輒遂無道路之阻

得返草茅之居苟德之深不知為報一觴

之潔謹用薦衷

濟南守曾鞏告岱嶽文云歲之早有請于

神蒙畀嘉澤田則大稔今春河役發民二

萬更迭齋送衆又倍之蓋此齊人出者幾
半迨其反室維夏之初勞費既深又違稽
事夫民數歲乃遇一稔敝之如此今二麥
方苞而亢陽爲雹吏任其咎所不敢逃惟
民何辜賴神終惠能致雲雨則實在神尚

其念之敢告○惟神含德體仁鎮茲東夏
興雲致雨澤施八紘今此齊邦近在山趾
方夏久旱麥苗將萎吏思其繇奔走群望
而人微言賤不能上動頻陰復散忽已兼
旬念此疲民弊於征歛方歲之富食常不

足一遇灾害必捐溝壑惟神威烈覆被群
生顧此此州宜先蒙賜豈伊靈眷獨忍遺
之是用飭遣士民布誠福下情窮詞急冀
獲哀矜使一雨霈然則倒懸可解尚其降
鑒無作神羞○維泰山歷古至今有天下

者巡狩封禪勒成告代莫不之焉或企足
動容卒莫能至實卓偉殊尤神明之地故
天下宗焉二典所記其光靈威烈焯示萬
世失豈他山可得而視維齊魯獲仰而事
粒食縷衣莫匪陰施今邦不雨自四月以

迄于茲積水之澤塵起冥冥粟將稿死蝗
亦滋生雖政或不良足以致此而百姓何
罪宜蒙哀矜彼撮土之山勺水之川尚能
與民爲福錫之有年豈如泰山朝出一雲
暮澤天下其勢之易易於轉圜而比近記

八二

五十

麗顧不能憐殆莫之或告告或不虔夫民
之生蓋亦艱矣無儲與藏重斂煩使歲一
不登多瀕於死姦強無知或起乘時聚爲
盜攘以取誅夷循理安業田間之民亦與
俱亡奚可不傷鞏受命天子守藩于東敢

齊以嚴告于靈宮惟神閔人之病助歲之
功霈然下雨變沴爲豐尚俾斯民以牛羊
黍稷得承事于無窮右三首臣愚行爲時
之所背言爲時之所輕寡儔少和眇眇
犛竒於人而如此敢望信於冥冥屬東轅
而進謂託斯文而薦誠眷齊魯之舊邦依
大鎮之崢嶸若早魃之方驕憂歲事之不
登民且瘠於溝壑或椎埋而死兵冀聰明
之饗食答霈膏雨之霄零言丁寧以上訴心
慙恍而潛罄顧不能以諧世將何以動夫

威靈乃不知夫神與道而爲徒雖宵默而
難明其虛心也物有來而必應其公聽也
無憎愛之常情彼大雖自大小雖謂小吾
與善而已矣常一視而持平故微裒得以
上徹利澤爲之旁行或噫爲風或震爲雷
八二
五十一
隱然雷出靄然雲蒸灑甘霖以無夕滅災
氣於無形蓋西極于甸服東屬乎滄溟人
盈其望物遂其生黍芄芄而擢秀粟藟藟
而敷榮使時沴遂熄年功可成人食豐乎
鍾黼神祀衍乎粢盛民相安於田里吏無

用於威刑信大恩之莫報而至德之難名
愚所以意激而感深者方涉世之零丁荷
降鑒之不昧知忠信之可憑敢因辭以進

謝愧抽思之匪精

右謝雨

國朝

都御史陳鳳梧告嶽文海內名山惟五嶽
爲尊而神奠位東方生長萬物於五嶽之
中又特尊焉自唐以至于

聖朝歷代崇祀威靈烜赫蓋以一方之安危
休戚神有以主之也辛巳之秋鳳梧備員

東藩嘗謁告祠下預祈有年既而叨蒙
聖恩簡任巡撫夙夜弗遑惟綏懷是事壬
午之春以徂于秋雨暘時若感神之惠於
是乎有孚矣是秋晝冬磧寇突起于龜蒙
之間荼毒赤子追捕出境餘醜渡河而南

益肆跳梁頃者賴神之佑會兵剿平中原
之地獲寧謐焉惟是齊魯之域梁谷茂林
姦慝潛伏其患靡常仗神威鋤兇化暴
使濟河海佻寇盜不興水旱不作熙熙然
物阜民康斯鳳梧之責可少逭焉而崇報

之典其曷敢有忘謹以牲醴特伸祭告惟

神其鑒之謹告

嘉靖二年

泰安守許應元告嶽文元聞之含澤布氣
膚寸而合不崇朝而雨天下惟泰山之神
爲然元以迂菲出守茲土始入境問民之

八二

五十二

所欲曰歲荐旱暵孳而逋且半誠得雨殆
其有蘇惟時元神志不一衣裳不潔不敢
以徼於明神屏息而待命者旬再矣嘉穀
未播麥苗且稿而沛澤靳於先施是神之
霍罰茲土者無已也罷僮之民不任敬毒

即守土者無狀宜降厥殃咎彼蠢蠢者誠
可哀憐敢率僚吏竭誠以禱於明神惟明
神卒降之惠俾無稿於道路報神之德曷

其有極尚饗

嘉靖十
二年

左布政使楊維聰告嶽文夫天下之山莫

尊於嶽然五嶽之中獨岱以宗稱其名最
著翕然出雲膚寸而合不崇朝而雨天下
其功最大居於東方實維生物之府其德
最盛靈寰海之內無有遠近衝僻罔不鄉往
其神最靈是故自古聖帝明王必加敬焉

而况爲有司者乎維聰受 天子命長茲
東土典領方嶽蒞任之初得以職事過于
祠下牲醴之薦敢有弗虔重念維聰之不
德受茲重任凡政之未平民之未乂風雨
之未時蝗厲之或作皆有司之罪也維聰

八二

五十三

不敢辭其罪然於神有深望馬默而相之
神之惠也民之福也非維聰之所敢私也

謹告

嘉靖十五年

分巡濟南道僉事盧問之祭嶽文夫惟神
有奠鎮區域之功惟問之有撫治地方之

責事存分際理通感孚頃以按部之餘遂
興憫農之念意以暉旱之灾吾藝天慢民
者之過也用是省躬布戒率守吏大小虔
告重荷洪庥溢賜昭格而山上之雲觸石
而起膚寸而合不崇朝而雨待哺之民有

望而催租之吏不憂矣其功之速之大實

顯佑于東土明之臨風興懷殊切瞻望謹

命有司崇脩榘榘豆仰答神功尚饗

嘉靖十
六年

都御史端廷敷告嶽文茫茫后土五岳盤
薄神爲之宗威靈鑠鑠上扶乾綱風雨時

若下握坤軸且延耕是穫恢我 皇度靈長

有託庇我蒸人湛淵寥廓凡此神功振古

如昨廷赦奉 命撫茲禮當謁神謁神之

初敢于神政匪此誕匪私爲民請命夏滂爲

灾冬旱復甚叫囂侵陰伏暈行春令二麥若

稿斯民之病惟神依民惟民依食胡忍視
民以至此極將神之怒撫臣之失罪在撫
臣民則何愿出以望陰翊化工昭錫靈貺興
雲降雪慰茲望如有佚罰撫臣甘之母
使衝民橫適經之式號以呼神其聽之尚

饗嘉靖三年二月謝嶽文廷赦撫按無狀獲戾

神明致茲冬旱用是皇皇靡寧匍匐祠下

為民請命蒙神降鑒旋收杲日大布重雲

霰雪先集霰霽繼益霑足優渥其應如響

吏民罔知咸歸於廷赦自分罪愆顧有何

八二

五十四

德可以動神何誠可以感神寔神正直仁

慈不忍以廷赦之故累及元元顯貺休烈

禮當報謝廷赦既荷神宥自今伊始益當

磨光刮垢力詢民瘼以求不為神羞惟神

佑之鑒之尚饗嘉靖二十三年十二月

巡按山東監察御史鄭芸告嶽文惟神萃
造化之靈秀顯仁威以配天峻德獨宗於
諸岳魏功茂對於八珽崇古今之封秩爲
齊魯之具瞻五徵時應六府莫安芸欽承
上命攬縶茲方風裁是秉惟神之綱春生秩

殺慝激淑揚爰及藩臬降鑿有光精神默
契敢不肅將祇陳牢醴維脩典常明禋載
獻維神是匡利奏霄功憲度孔昌下土永
賴赫奕用章尚饗嘉靖二十三年

巡撫都御史王忬告嶽文蓋聞懿垂編錄

休翊 明時以雄長乎五嶽者神之大造也觸石而出膚寸而合不崇朝而雨天下者神之能事也王於奔走天下積致賄施以利賴此一省者又神之顯惠也則夫雨暘時若固神之當先及而亦一方之所私望者矣乃不雨自春迨將中夏達乎四境且害三時麥已罔秋禾豈望歲夜倬雲漢晝苦風霾下民其咨 上天有憾神之所以急此一方者不其爽歟且忤受 命撫茲圖惟保釐彈厥心力而已雲行雨施寔

仰明神焉勢分固爾也抑忬及庶司或
陰蓄僞鼻有乖感假則神宜罰及厥身顧
斯民何辜代服政者罹此荼毒耶謹齋明
思省遣教授胡大慶告此雩事神其歛崇
朝之靈渥千里之利則豈惟忬與一方之

人慰答其望雖神之取信天下輝英今古
或亦攸係矣惟神其聽之哉尚饗

嘉請三
十一年

五月

巡撫都御史沈應龍告嶽文夫嶽之靈豈
直以崖奔嶺蹙谷抱谿迴崛起重險爲一

方鎮哉蓋將賴以橐籥玄機鼓湯皿精禦
灾捍患流福生民保衛

邦家也矧夫岱靈甲群峰而特峙尸攝生之
神工貺嚮芬芳獨盛千古奔走萬方爲天
下諸嶽之長者歟乃者春則恒陽二麥罔

秋夏則恒雨民鮮粒食所謂國泰呈瑞時
訛反珎者胡罔時錫豈天灾流行雖 聖
世有所不免耶應龍承之撫綏保釐東土
山川之神寔叨主之乃歷嶠巖排蒙茸升
青丘陟春趾以脩祀事以祝景貺以佑斯

民以祈不負於 聖天子懷柔百神肅恭
明禋之典匪徒以好古號食竒俯瞰虛廓仰
眇寥泬為遊觀樂也維嶽配天尚弼予志
適彰休佑大康是邦奠 聖祚于苞桑肇
皇圖于木固則庶乎岱宗之標竒於齊魯者

八二

五十六

為益信而崇祀於列聖者斯不誣也惟神
其念之哉 嘉靖三十一年十月再祈雨文天地生萬
物所以奉而行之者神之職也

聖天子養萬民所以奉而行之者應龍等之
職也今山東諸郡旱已大甚麥苗就稿萬

姓皇皇餓莩之形漸多潢池之藪昌報此
應龍等白夜憂惶計不知其所出也應龍
等寡昧保釐失職貽民荼毒罪固難辭惟
神聰明正直能興雲雨亦可失職而甘受
天地之罰乎應龍欽承

上命敬共明祀特申祗告敢爲萬民乞命伏
願鑒此精誠幹旋造化甘霖沛澍四野沾
足枯槁復蘇三農慰望尚期消患於將萌
轉禍而爲福應龍等仰荷明神無窮之錫
而神亦有無窮之休神其聽之尚饗

二年閏
三月

巡按山東監察御史馮薦告嶽文東工
燠地方遠不逮古賦役繁重即有年民亦
流移往遭水害窮困不能自存老稚在途
強壯嘯聚疾苦之狀不忍聞見

八二

五十七

聖天子痛憫時艱簡重臣出廩賑饑而垂絕
之生意復蘇然猶望今歲有秋也爾麥亢
旱農事盡廢公私既竭將曷以支惟神震
方名嶽能興雲雨以生萬物古今祀典攸
崇也夫民有疾苦官茲土者分宜罷斥竊

恐神茲土者心亦弗能自安神宜仰體

聖君之仁俯從薦等之願誕敷靈液以紓吾

民之疾苦神之德惠將流被無窮矣謹告

嘉靖三十二年

閏三月

巡按山東監察御史雍焯告嶽文謹以牲

醴敢昭告于

東嶽泰山之神曰於赫岱宗秩祀有恒神功

丕施毓物効靈奠此震極翊此坤寧歷代

禋薦酬德報成迄我

皇朝典祀維明焯等叨事茲土肅將明馨仰

藉神既昭格用徵鞶我鴻圖永躋豐昇

尚饗

嘉靖三十三年十月三十日

巡按山東監察御史段顧言行偕布政司
左叅議徐文通按察司副使王世貞李嵩
僉事王遴張師价暨都司署都指揮僉事

李春華告嶽文竊聞天地之大德曰生而
生生不息之元氣盛德鍾焉凝焉是曰泰
山夫泰太和也謂天地太和之氣盡比焉
在也衍之而時則惟春而神寔尸之布之
而方則惟東而神寔專之大哉乾元至哉

坤元胥茲乎生成而終始之是所謂天地
好生之府而特爲四嶽之宗乃若壁峙之
峻極盤薄之閑遠又非所論也以故粵自
有虞氏以迄

昭代咸秩祀而崇報之也固宜予小子言按

八二

五十八

部齊魯責在肅清而激慝鋤凶若與大神
之生道相似者然我心我精我儀我誠
神將吐之乎嗟乎吾知其必弗爾矣吾聞
春生秋殺玄化之流也福善禍淫明神之
靈也遏惡著良大君憲天之政也矧以生

道殺之而生生者斯無窮以福機禍之而
福福者斯無窮乎繫乃知大君顯憲幽贊
以成化而予小子觀風攬轡又將以奉君
之命而致之元元者也果終異乎於戲神
不享非禮之祀君子不冥祀于不享之神

大神其以予之言爲不戾耶尚祈臨鑒我精
誠我假我歆而母子謹也謹告

嘉靖戊午
夏五月二

十七日

巡撫都御史張鑑祭嶽文曰粵稽山東之
地青兗肇域齊魯權疆聖賢王霸之化禮

義富強之方逮

皇明之御宇爲畿腋之左壤東表溟海西略
河防赫赫明神實主靈方鑑奉 明命來
撫是邦則巡撫之與盜靈乃均夫秉幽明
之章念言東土憂心但使保薦臻饑饉官方

八二

五十九

不良煩苛盜疾昏執去亡戶籍耗減阡陌
蕪荒以今日之所目較手較之古昔之盛怒
焉其如傷履任以來日夜惕惶仰承神祐
時雨時暘百穀用登芻豢穰穰匪直彼不
歛穢而此遺穗實貧有餘而富露藏是神

錫吾民之福即所以既有位之康彼存者
既享有年之樂而去者豈無故土之望桑
梓在念逋負難償思者不來來者不減招
撫墾開孰敢怠遑因則戶而平其稅分地
而清其糧上則請命於天子天子即賜

俞乞下則責成於有司有司有欺心玩法
削民自殖者典刑有赫實足自戕苟非明
神屢錫以豐年煦育以和氣則民將迫於
貧困疾疫何能永樂利於故鄉經綸潤澤
既明且詳陰隲默祐惟神煌煌鑑蓋求上

不負 聖天子牧養小民之意下不負生
平奉公憂國之志候闕郊野盡復古昔
之盛亦爲東方明神之光用是敬陳牲品
侑以玄黃旣齋旣潔肅恭對颺爲已往有
年之謝致將來時若之禳報懇之忱非言

所將福善祐正惟神之祥鑒微衷之懇懇
知來格之洋洋尚饗

嘉靖四十年

巡撫都御史傅希摯祭嶽文曰茲者漕河
橫溢運道阻艱特 命大臣總司開濬惟
神雄鎮一方捍除百患凡川流之壑注或山

下之出源式用遣官備申祭告額望 鑒

茲重計舒予至懷急靖洪瀾佑成羣後俾

運儲以通濟永康阜下無疆謹告

隆慶六年

巡撫都御史陸樹德告嶽文曰惟 神宗

統羣岳體元發生普王率土孰不景承况

八二

六十

此幅員之內即所敷氣而布精一作一息

是怙是憑迺者恒暘不雨嗷嗷群情撫臣

憂之亟禱於庭亦嘗檄下諸司共敷祈請

雨遲遲而不至天杳杳而難明豈政之多

舛抑禱之鮮誠方擬遣官敷告 祠下草

既就而雲合使未發而雨零惟神惠民如
響應聲撫臣何幸竊有餘榮謹潔牲醴遣
官陳詞仰合寵靈尤冀德施不匱湛澤時
行自河之壩迄於東溟靡陬弗遍靡露弗
盈用俾苞者畢達亢者膏耕消其咨於不

作調威事於豐登尚饗萬曆十一年

巡撫都御史李輔告獄文曰維神作鎮

東方覆冒下土凡國賦之登耗實紀綱

其司生靈之休戚實宰制其柄威靈焜耀
古今福澤莫安境宇久矣山東頃歲以來

陰陽舛繆災歎頻仍乃者冬不雪寒春鮮
雨澤時既入夏竟日長風致令麥方苞而
就枯穀及時而不播農民倉皇於四野吏
士驚怖於庶司雖祈禱連旬而密雲不雨
切念山東之民困於涸轍矣而歲再不稔

八二

六十一

將何聊生山東之賦繁於秋荼矣而室如
懸磬將何輸納即職守官之無狀嗟此下
民其何辜仰惟尊神靈爽咫尺鑒察絲
毫若罪有所歸則職受幽冥之譴如適遭
時厄敢祈矜憫之恩尚縱陰而閉陽隨

興雲而布雨庶生我百穀汗畚穰穰滿車
惠此群黎婦女嘻嘻卒歲不然感而不應
則神何以稱威靈求而不獲則民何以誦
福澤哉職不任謁誠祈懇之至謹告萬曆
年知府李伯春代告告畢而雨至

巡撫都御史李輔祭嶽文曰今歲自春徂
夏四月不雨內自皇畿達于淮甸焦枯
奚啻千里睠茲東土寔惟左輔民生益否
前雖霑此霖霖曾入土之無幾乃今苗不
秀而秀不實旋復稿矣下民洶洶哀籲

上帝無間遠邇 天子憂勞減膳徹樂下
詔罪已馳道不除朝步自宮迄于郊時桑
林露禱爲民請命罔恤勞只輔茲東土奉
職無狀臯何容諉念此無知顛隳溝壑寔
愴惻而不能已矧

主憂臣辱即匍匐 席藁曷敢一息而自寧止
惟神奠位維泰 職司生物胡忍坐視斯人
之日就填委輔 謹率屬吏布其款悃以告
于神願神明罰 予吏之無民而無遺禍於
歲出其膚寸不 崇朝而雨天下以異我稷

忝而慰我 天子夙夜憂勞之意則此子

遺猶能供粢盛而備肥腍以奉神之祀於

不匱惟神鑒予之冊誠而示予以盼饗輔

不勝悚息聽命之至尚饗萬曆乙酉年四月二十五日

巡撫都御史李輔告嶽文曰自春徂夏長

八二

六十二

風為虐旱氣如焚夏麥垂枯秋禾未播輔

受明命撫輯東方俯念民艱憂心孔疚先

會齋心備物赴訴於神伏蒙明神鑒其悃

誠惠以靈澤致禱者再獲雨者三枯麥半

收新谷漸達念念應如桴鼓益瞻靈爽之

不違點點潤若膏酥共戴慈恩之無量但
雨澤應時雖慰三農之望而霑足未徧尚
懸再旱之憂且內自京畿外達諸省猶聞
歷三時不霑點雨數千里并無粒食以致
主上焦勞群工警惕上關宗社下係生靈奚

獨鄙念之所悚惶抑亦神衷之所憫惻是
用不厭煩瀆再行頂禮賽隆施於既往徼
明貺於將來伏望大展神功溥垂陰隲甘
霖不限於疆域在在滂沱洪仁普被於寰
區人人驩洽蕩除旱魃之薰灼挽回樂歲

之謳歌輔不勝感激祈懇叩心待命之至

尚饗

萬曆丙戌年同知趙承芳代告告畢而兩至

巡撫都御史李戴告嶽文曰惟神海內名

山五嶽稱雄五嶽之尊獨歸岱宗正趾坤

元奠位維東顯配天之靈應茂長育之洪

八二

六十三

功矧茲齊魯宜荷帡幪戴欽承

上命來撫東方初入其境旱魃為傷目茲焦

悴心甚憂惶躬詣神祠為民祈祥幸賜昭

鑒示我洋洋告詞甫畢靈雨即零冀日旋

車雨降雲蒸大霈甘霖弘闡神靈三農慰

望萬物遂生神功莫報峻德難名遣官代
祀敬潔犧牲修茲報賽用展微誠伏願風
雨時若災沴不形永枯民庶慶歌豐亨戴
不勝忻躍懇祈之至謹告萬曆十四年
五月五日
巡撫都御史李戴告嶽文曰惟神化馳九

域位冠百靈裕民足國有赫 帝庭矧茲

東土香火維馨家戶祝是依是屏胡天

不吊降此大戾三春不雨麥乃盡悴九夏

不雨禾且無穗國用民生于焉胥匱 聖

主求瘼有位忘殮道路流離黎庶彫殘英

爽有知而寧忍看慈悲普濟具仰彤壇戴
救荒無竒懷憂如擣夙夜齋沐爲民祈禱
神之聽之庶幾懷保蚤霑甘霖回此枯槁

謹告

萬曆十四年
六月二十日

山東運司同知查志隆撰佾史告文曰志

隆蚤歲家塾誦法孔孟則聞登泰山而小
天下云蓋未嘗不奮心翹首冀幸一踐跡
之爲快也往在壬申假道登覽時忤權貴
圖且謁歸謂與山靈永別已矣安得如程
伯子請註鄂簿撰錄名勝哉不自意間隔

一紀復出而典職則在山靈咫尺之地會
部使者宿南譚侍史觀風陟嶽詢訪圖經
屬志隆以筆劄之後所幸時清吏隱竟日
一無事事得以遊思於秋林豈山靈有意
手假此閒曠俾償始願耶竊謂藉手於此
少効涓埃即叨升斗倘追尸素是用屈首
編摩罔間寒暑曉窓夜燭集古覈今殆四
閱月業已屬草爲考者三曰圖考曰星野
考曰形勝考爲表者二曰山水表曰疆域
表爲紀者四曰符典紀曰望典紀曰遺蹟

八二

六十四

紀曰靈宇紀爲志者五曰宮室志曰物產
志曰香稅志曰災祥志曰登覽志而摠揭
之以名曰岱史謂夫岱宗之稱昉自黃帝
今宜從其古初而撰著之法獨擅史家茲
稍龍查其義例也第念管窺蠡測則心思未
融徑逖厓幽則涉歷未遍碑殘簡脫則目
力未周於茲有深懼焉吉蠲祠下敬藉所
草質諸神明行且涉阻躋巔遍觀周覽豈
敢妄希先賢之勝事開衡嶺之烟雲尚冀
神明降鑒而默佑之雲披日霽畢露竒觀

對景揮毫恍然天啓庶幾幽不負山靈明
 不負付托而於已亦不負據梧橫卷之辛
 勤則惟神明陰相是賴也敢告萬曆十四
 年十月十
 四日告畢登覽岱巔晴霽凡三日遂得以
 遍歷諸形勝果符所祝云

八二

六十五



伯

